

rouge, excepté vne qui estoit peinte en noir, pour marque que celuy-là auoit esté tué, & que tous les autres estoient comme des victimes destinées au feu. Quelques Sauvages trouuerent le corps de celuy qui auoit esté massacré, flottant dâs le lac. Nous cogneufmes par ces marmoufets (car les Sauvages ne sçauent point l'art de peinture) le dégast qu'auoient fait ces infideles, lesquels s'en alloient triomphans, chargez de quantité de pelleteries, que ces pauures Hurons apportoient au magazin de ces Messieurs. Ce qui augmentoit encor nostre tristesse, c'est que ces coureurs ne nous auoient point veu. Je me persuadai aisément que s'ils eussent esprouué la cholere de ceux qui les fuiuoient, qu'ils ne feroient pas pour retourner si tost; en fin il falloit repasser sur nos brifées. Descendans vers les trois Riuieres, nous rencontrafmes dans le lac quatre chalouppes qui nous venoient au secours. Le sieur Coüillart estoit de la partie, comme aussi le sieur Giffart, & le sieur Pinguet, & quelques autres qui meritent d'estre loüez [302 i.e., 298] de s'estre embarquez si promptement, pour venir faire teste a l'ennemi, & defendre au peril de leur vie, les biens & le país de Messieurs les Associez. Estans arriuez en la residence de la Conception aux trois Riuieres, nous trouuafmes encor quelques Hurons, qui estoient eschappez des mains & de la dent de leurs ennemis; ils arriuoient tantost l'un, tantost l'autre, tous deffaits, plus affamez que des chasseurs, & couverts de leur peau tant feulement.

Le 16. du mesme mois d'Aouft, le P. Pierre Pijart qui nous estoit venu voir du país des Hurons, pour prendre foin du Seminaire de cette nation, en cas de mort du P. Daniel, lequel a esté fort malade, se rem-